



JAMHURI YA MUUNGANO WA TANZANIA

WIZARA YA VIWANDA NA BIASHARA

SHIRIKA LA VIWANGO TANZANIA



ISO 9001:2015 Certified

Mwanachama wa Shirika la Viwango la Kimataifa (ISO), Codex Alimentarius Commission (WHO/FAO) na Wakala wa ISO na Mashirika ya Viwango ya Mataifa mbalimbali

## TAARIFA KWA UMMA KUHUSU MAZIWA MBADALA YA WATOTO (BREAST MILK SUBSTITUTE) AINA YA INFACARE

Dar es Salaam, 15 Mei, 2024

Mnamo tarehe 10 Mei 2024, Wakala wa Chakula na Dawa Zanzibar (ZFDA) ilitoa taarifa kwa umma juu ya uwepo wa maziwa mbadala ya watoto aina ya **Infacare 1, 2 na 3** yaliyoandikwa "**Not for Resale in Tanzania**" ambayo yaliingizwa Zanzibar pasipo kufuata utaratibu na hivyo kusitishwa matumizi na kuondolewa katika soko.

TBS inapenda kuutaarifu umma kuwa imesajili bidhaa za *Infacare 1, 2 na 3* zinazozalishwa na kiwanda cha **Sanulac Nutritionals South Africa (Pty) Ltd.** cha Afrika Kusini baada ya kuhakiki ubora na usalama wake. Taarifa za kwenye bidhaa za *Infacare* zilizosajiliwa zimeandikwa kwa lugha ya Kiingereza na Kiswahili kwa pamoja kwa mujibu wa Kiwango EAS 4-1:2021 na Kanuni za Usajili wa Bidhaa na Uthibitishaji Ubora wa Shehena [The Standards (Imports Registration and Batch Certification) Regulations, 2021].

Bidhaa zilizosajiliwa hazijaandikwa "**Not for Resale in Tanzania**" hivyo wananchi wanaombwa kutoa taarifa kuitia namba **0800110827** endapo watabaini kasoro zozote kwenye taarifa zilizopo kwenye vifungashio vya maziwa mbadala ya watoto.

TBS inatoa rai kwa wananchi wanaponunua aina yoyote ya maziwa mbadala ya watoto kuhakikisha kuwa yameandikwa kwa lugha zote mbili yaani Kiswahili na Kiingereza kwani maziwa yenye lugha hizo yamehakikiwa ubora na usalama wake na yamefuata taratibu za uingizwaji nchini na hivyo yameruhusiwa kuuzwa.

TBS inaendelea kuwakumbusha wafanyabiashara kufuata taratibu za uingizwaji wa bidhaa nchini kwani hatua kali za kisheria zitachukuliwa dhidi ya wauzaji, wasambazaji na waingizaji watakaobainika kuvunja taratibu za kisheria.

Imetolewa na:

Gladness H Kaseka  
MENEJA UHUSIANO NA MASOKO